0.0.1 nandaka suttam

- 1. ekam samayam bhagavā sāvatthiyam viharati jetavane anāthapindikassa ārāme. tena kho pana samayena āyasmā nandako upatthānasālāyam bhikkhū dhammiyā kathāya sandesseti samādapeti samuttejeti sampahamseti.
- 2. atha kho bhagavā sāyanhasamayam paṭisallānā vuṭțhito yena upaṭṭhānasālā tenupasaṅkami. upasaṅkamitvā bahidvārakoṭṭhake aṭṭhāsi kathāpariyosānam āgamayamāno. atha kho bhagavā kathāpariyosānam viditvā ukkāsitvā aggalam ākoṭesi. vivariṃsu kho te bhikkhu bhagavato dvāram. atha kho bhagavā upaṭṭhānasālam pāvisi. pavisitvā paññatte āsane nisīdi. nisajja kho bhagavā āyasmantam nandakam etadavoca:
 dīgho kho tyāyam nandaka dhammapariyāyo bhikkhūnam paṭibhāsi. api ca meapi me machasam piṭṭhi āgilāyati bahidvārakoṭṭhake ṭhitassa kathāpariyosānam
 āgamayamānassāti.
- 3. evam vutte āyasmā nandako sārajjāyamānarūposārajjamānarūpo - machasam bhagavantam etadavoca, na kho mayham bhante jānāma bhagavā bahidvārakoṭṭhake ṭhitoti. sace hi mayam bhante jāneyyāma bhagavā bahidvārakoṭṭhake ṭhitoti ettakampiettakampi dhammam machasam. no nappaṭibhāseyyāti.
- **4.** atha kho bhagavā āyasmantam nandakam sārajjāyamānarūpam viditvā āyasmantam nandakam etada-

voca: sādhu sādhu nandaka, evam kho nandaka, tumhākam patirūpam kulaputtānam saddhā agārasmā anagāriyam pabbajitānam yam tumhe dhammiyā kathāya sannisīdeyyātha. sannipatitānam vo nandaka dvayam karanīyam: dhammī vā kathā, ariyo vā tunhībhāvo.

- 5. saddho ca nandaka bhikkhu hoti no ca sīlavā, evam so tenaṅgena aparipūro hoti. tena tam aṅgam paripūretabbam: kinnāham saddho ca assam sīlavā cāti. yato ca kho nandaka, bhikkhu saddho ca hoti sīlavā ca, evam so tenaṅgena paripūro hoti.
- 6. saddho ca nandaka bhikkhu hoti sīlavā ca, no ca lābhī ajjhattam cetosamathassa. evam so tenangena aparipūro hoti. tena tam angam paripūretabbam: kim nāham saddho ca assam sīlavā ca lābhī ca ajjhattam cetosamathassāti. yato ca kho nandaka bhikkhu saddho ca hoti sīlavā ca, lābhī ca ajjhattam cetosamathassa, evam so tenangena paripūro hoti. saddho ca nandaka bhikkhu hoti sīlavā ca, lābhī ca ajjhattam ceto samathassa. na lābhī adhipaññādhammavipassanāya. evam so tenangena aparipūro hoti.
- 7. seyyathāpi nandaka pāṇako catuppādako, tassassa eko pādo omako lāmako, evaṃ so tenaṅgena aparipūro assa, evameva kho nandaka bhikkhu saddho ca hoti sīlavā ca lābhī ca ajjhattaṃ cetosamathassa na lābhī adhipaññādhammavipassanāya, evaṃ so tenaṅgena aparipūro hoti. tena taṃ aṅgaṃ paripūretabbaṃ; kinnāhaṃ saddho ca assaṃ sīlavā ca lābhī ca aj-

jhattam cetosamathassa, lābhī ca adhipaññādhammavipassanāyāti yato ca kho nandaka, bhikkhu saddho ca hoti sīlavā ca lābhī ca ajjhattam cetosamathassa lābhī ca adhipaññādhammavipassanāya, evam so tenangena paripūro hotīti.

- **8.** idamavo ca bhagavā idam vatvā sugato uţţhāyāsanā vihāram pāvisi.
- 9. atha kho āyasmā nandako acirapakkantassa bhagavato bhikkhū āmantesi: idānāvuso bhagavā catūhi padehi kevalaparipuṇṇaṃ parisuddhaṃ brahmacariyaṃ pakāsetvā uṭṭhāyāsanā vihāraṃ paviṭṭho: "saddho ca nandaka bhikkhu hoti, no ca sīlavā, evaṃ so tenaṅgena aparipūro hoti, tena taṃ aṅgaṃ paripūretabbaṃ: kinnāhaṃ saddho ca assaṃ sīlavā cāti. yato ca kho nandaka bhikkhu saddho ca hoti sīlavā ca, evaṃ so tenaṅgena paripūro hoti. saddho ca nandaka bhikkhu hoti sīlavā ca, no ca lābhī ajjhattaṃ cetosamathassa, lābhī ca adhipaññādhammavipassanāyāti yato ca kho nandaka, bhikkhu saddho ca hoti sīlavā ca lābhī ca ajjhattaṃ cetosamathassa na lābhī adhipaññādhammavipassanāya, evaṃ so tenaṅgena aparipūro hoti.
- 10. seyyathāpi nandaka, pāṇako catuppādako, tassasa eko pādo omako lāmako, evaṃ so tenaṅgena aparipūro assa, evameva kho nandaka bhikkhu saddho ca hoti sīlavā ca lābhī ca ajjhattaṃ cetosamathassa

na lābhī adhipaññādhammavipassanāya, evam so tenaṅgena aparipūro hoti. tena tam aṅgam paripūretabbam; kinnāham saddho ca assam sīlavā ca lābhī ca ajjhattam cetosamathassa lābhī ca adhipaññādhammavipassanāyāti yato ca kho nandaka, bhikkhu saddho ca hoti sīlavā ca lābhī ca ajjhattam cetosamathassa lābhī ca adhipaññādhammavipassanāya, evam so tenaṅgena paripūro hotīti.

- **11.** pañcime āvuso. ānisaṃsā kālena dhammasavaṇe, kālena dhammasākacchāya. katame pañca:
- 12. idhāvuso, bhikkhu bhikkhūnaṃ dhammaṃ deseti ādikalyāṇaṃ majjhekalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāseti. yathā yathā āvuso, bhikkhu bhikkhūnaṃ dhammaṃ deseti ādikalyāṇaṃ majjhekalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāseti. tathā tathā so satthupiyo ca hoti manāpo ca garu ca bhāvanīyo ca ayaṃ āvuso, paṭhamo ānisaṃso kālena dhammasavaṇe, kālena dhammasākacchāya.
- 13. puna ca paraṃ āvuso, bhikkhu bhikkhūnaṃ dhammaṃ deseti ādikalyāṇaṃ majjhekalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāseti. yathā yathā āvuso, bhikkhu bhikkhūnaṃ dhammaṃ deseti ādikalyāṇaṃ majjhekalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ

pakāseti. tathā tathā so tasmim dhamme atthapaţisamvedī ca hoti dhammapaţisamvedī ca, ayam āvuso, dutiyo ānisamso kālena dhammasavaņe, kālena dhammasākacchāya.

- 14. puna ca param āvuso, bhikkhu bhikkhūnam dhammam deseti ādikalyānam majjhekalyānam pariyosānakalyānam sāttham sabyañjanam kevalaparipunnam parisuddham brahmacariyam pakāseti. yathā yathā āvuso, bhikkhu bhikkhūnam dhammam deseti ādikalyānam majjhekalyānam pariyosānakalyānam sāttham sabyañjanam kevalaparipunnam parisuddham brahmacariyam pakāseti. tathā tathā so tasmim dhamme gambhīram atthapadam paññāya ativijjha passati, ayam āvuso tatiyo ānisamso kālena dhammasavane, kālena dhammasākacchāya.
- 15. puna ca paraṃ āvuso, bhikkhu bhikkhūnaṃ dhammaṃ deseti ādikalyāṇaṃ majjhekalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāseti. yathā yathā āvuso, bhikkhu bhikkhūnaṃ dhammaṃ deseti ādikalyāṇaṃ majjhekalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāseti. tathā tathā naṃ sabrahmacārī uttariṃ sambhāventi. "addhā ayamāyasmā patto vā pacchati vā" ti, ayaṃ āvuso, catuttho ānisaṃso kālena dhammasavaṇe, kālena dhammasākacchāya.

16. puna ca param āvuso, bhikkhu bhikkhūnam dhammam deseti ādikalyānam majjhekalyānam pariyosānakalvānam sāttham sabvañjanam kevalaparipunnam parisuddham brahmacariyam pakāseti. yathā yathā āvuso, bhikkhu bhikkhūnam dhammam deseti ādikalyānam majjhekalvānam parivosānakalvānam sāttham sabvañjanam kevalaparipunnam parisuddham brahmacariyam pakāseti. tattha tattha ye te bhikkhū sekhā appattamānasā anuttaram yogakkhemam patthayamānā viharanti, te tam dhammam sutvā viriyam ārabhanti appattassa pattiya, anadhigatassa adhigamaya asacchikatassa sacchikiriyāya. ye pana tattha bhikkhu arahanto khīnāsavā vusitavanto katakaranīvā ohitabhārā anuppattasadatthā parikkhīnabhavasamyojanā sammadañña vimutta, te tam dhammam sutva ditthadhammasukhavihāratteva anuvuttā viharanti. ayam āvuso, pañcamo ānisamso kālena dhammasavane, kālena dhammasākacchāya. ime kho āvuso, pañca ānisamsā kālena dhammasavane, kālena dhammasākacchāyāti.